

## 一、六張犁石泉岩

林衡道文·圖

石泉岩供奉安溪移民守護神清水祖師，在臺北市大安區黎和里臥龍街四三一巷五〇號。殿宇，山丘環抱，清泉湧出，故名。山麓一帶，原名六張犁，故此廟又稱六張犁祖師公。按大安區開發於清乾隆時，世居住民皆來自福建泉屬安溪，「大安」一詞亦含有「偉大的安溪」之義，所謂張犁乃指一人一日能耕作的範圍，在臺灣北部一個張犁的面積相等於四甲左右之耕地。

六張犁住民之供奉清水祖師，由來頗久，初僅為一欄茅屋，至清道光二十四年，始由艋舺楊士如倡建殿宇，然後信徒更見增多，今大安區黎和里、黎順里、博嘉里，以及福德村的住民世世皆為該廟之信徒。該廟所供奉之清水祖師像，共有六尊之多。各有老祖、二祖、三祖等之名稱。其鎮殿之老祖，原為一塊天然巨石，經楊士如聘請石工彫刻而成，民國四十七年加以重修，神像頗為壯觀。

石泉岩為一蕞爾小廟，近年經一番整修，殿宇已無古色古香可言，門上古匾大書「石泉岩」三字，上款：「光緒丙午之冬衆等立」，下款：「內閣中書舉人陳樹藍立」。此外，尚有一清同治時立之「觀山嶺路碑」。主要對聯：何須蓬島名山方稱佛國，即此石泉勝地便是法門。清原正本心裏靈機，水透山明門前勝景。祖德西來闡揚佛法，師回南渡大啓禪宗。殿宇右旁山徑，為昔日通往深坑、南港之舊道，亦即舊時運茶之「茶路」，尚有一段蒼老的石

階留存。清嘉慶間，有一安溪人在今深坑鄉之鰐魚坑試行種茶，此乃臺灣茶業之伊始。是故，六張犁之「茶路」，在北部臺灣開發史上具有重大的意義。

所謂清水祖師，俗名陳應，是為宋代福建永春之一高僧。在臺灣，安溪、永春之移民者奉之為其守護神，其廟宇共有六十三所之多。六張犁石泉岩，信徒牽強附會，略謂其老祖為漢景帝時之陳應，二祖為晉末之尉遲祖師，三祖為宋代之桑文龍。此外尚有各種附會之說，姑妄聽之。「石泉巖志略」列舉有關清水祖師之各種附會極詳，姑錄其全文於左，以供研究民間信仰者之參考。

### 清水祖師

陳應。姑埭三代祖師

清水祖師又稱祖師公、蓬萊祖師、烏面祖師、落鼻祖師、清水真人、麻章上人、昭應大師、陳應、陳昭、普足等。有謂普足為法名。

據福建通志略謂，清水祖師為宋仁宗時生於福建永春縣小姑鄉，俗姓陳、名應、或名昭，字曠足，幼出家於大雲院，長事大靜山明松禪師，學成辭返，旋遷麻章，施醫濟藥，建橋修路，清溪大旱，求雨奇靈，鄉人德之，時祖師住蓬萊山石室，鄉人醵金構築精舍，名為清水岩，祖師居十九年，一日囑後事，說偈端坐而逝，享年六十五歲。按：永春縣志，安溪縣志亦有類似之記載。

清水祖師之生歿時間，諸說不一，有謂漢景帝時人，有謂爲唐時蓬萊山之高僧，有謂爲宋徽宗建中靖國年逝世，有謂生於宋仁宗慶曆四年正月初六日，逝於宋徽宗九年，享年六十五歲。按：宋徽宗在位二十五年，計有六個年號，建中靖國僅一年，徽宗九年應爲崇寧八年。

清水祖師何以又稱烏面祖師，相傳祖師居清水岩時，有畚鬼穴其中，約以法勝，鬼置祖師於穴中，火薰七日夜不死，鬼服其神功，聽祖師指揮，亦即所謂張、黃、蘇、李四大將軍，今之祖師像所以面黑如鐵，即爲鬼火所薰之故，是烏面祖師之得名由此。一說爲祖師之嫂生產，炊煮不便，祖師爲之燒煮柴盡，以雙足代柴，炊畢，從烟筒昇天，今之烏面，烟筒灰也。

另傳祖師原也屠夫，媽祖託其洗物，越洗越黑，祖師詢以何故，媽祖告以爲屠者太髒，不能成道，於時祖師切腹，洗清腸胃，媽祖引其成佛，世人以清白公平之神祀之，傳說每逢天災地變，祖師鼻子自行掉落，以示防備，人以落鼻祖師或落鼻祖稱之，其傳說有三，一爲某年某地祖師繞境，於經某戶門前鼻子掉落，當夜是戶發生火災，大家傳爲祖師顯靈，一說參拜者身體不潔或心不虔誠，祖師一氣，即行落鼻。另一說爲祖師爲山賊挖掉鼻子，後經和尚修復，自此以後，每有異故，鼻子即行掉落，惟謂所落之處，必在袍袖之中。

有謂祖師家貧，受僱於寺廟，因不堪寺僧虐待，憤往安溪清水巖，面壁苦修，終得道昇天。

有謂祖師生前曾遊邑南之閩山，讚爲佛家之地，曾言寂後數十年，當現身於此，待至宋高宗紹興四年七月十日，閩山雷火，自夜達旦，鄉人異之，攀登險崖，見白菊一

叢、薑三叢、香爐一、祖師在焉，遂以此地建祠，號爲清水別巖。

又傳祖師生前求雨得雨，施醫濟世，相傳安溪饑荒，祖師於石穴中流出白米，濟人無數，寂後由大弟子楊道爲傳人，有司以其靈跡顯著而上聞，勅賜昭應大師封號，宋孝宗淳熙十一年德化縣民請祖師佛像求雨靈驗，加封爲昭應慈濟大師，宋寧宗嘉泰元年加封爲昭應慈濟廣惠大師，至明代宗景泰元年，泉州苦旱，人相食，太守鄒公迎祖師佛身入城，方及州門，陰雲四合，及晚，天降豪雨，五邑俱甦。據安溪縣志載：「蓬萊鄉宋普足禪師歷代敕封清水昭應廣惠慈濟善利大師」。

乾隆五年之澎湖志略及臺灣通史等均謂澎湖祖師廟所祀之清水巖祖師爲康熙間自泉州來一和尚，不言其名，爲人治病，不取藥資，贈以錢米不受，去後里人德之，立廟祀焉，而臺地之祖師廟所祀之清水祖師，大多爲清水巖祖師廟分靈者。

有謂清水祖師又稱三代祖師，一般寺廟文獻謂祖師有烏面、金面、文面及赤面之分，烏、金、文面三色祖師，即清水祖師之代稱。赤面祖師爲顯應祖師之代稱。又有謂烏面祖師爲清水祖師、金面、文面爲三代祖師。

北縣樹林鎮寶寧宮謂三代祖師之本廟係在福建省安溪縣三坪鎮，是三代祖師似又與三坪祖師合而爲一。惟據安溪縣志卷九仙釋，卷十寺廟所載，僅有清水寺清水祖師及泰山寺顯應祖師，並無三坪祖師或三代祖師之記載。又有寺廟主神爲清水三坪祖師，似又將清水祖師與三坪祖師合而爲一。有謂三代祖師爲周代許遊，史無可考。臺南市志略謂三代、三坪、顯應、明應、普庵各祖師均爲清水祖師之另稱。



石泉岩清水祖師像

石泉岩的古匾 ▶



石泉岩殿宇右旁的「茶路」 ▼



石泉岩的殿宇 ▼

